



## **Universitätsbibliothek Paderborn**

### **Historiae Ecclesiasticae Pars ...**

Historiae Ecclesiasticae Pars Secvnda, Qva Continentvr Socratis Scolastici  
Constantinopolitani lib. 7. Theodoriti Cyrensis episcopi lib. 5

**Christopherson, John**

**[Köln], 1569**

Quae causa Eunomianos & Arrianos diremerit. Capvt XXIX.

**urn:nbn:de:hbz:466:1-12704**

## THEODOR. HISTOR.

vti sacrosancta ecclesia ad ordinem sibi cōuenientē redacta,  
secum ipsa cōsentiat, vinculo charitatis ab omnibus omniū  
gentium episcopis, eadem dicendo, eadēq; mente & senten-  
tia in vnum cohærescendo, firmè conseruato. Quare ista ad  
tuam reuerentiam scripsimus, vt intelligas decreta concilij:  
quæ te obseruantem optamus, per gratiam Christi tuas ecclē  
rias tranquillè legittimeq; moderari.

*Quæ causa Eunomianos & Arrianos  
diremerit.*

## CAPVT XXXIX.

Eunomius verò tametsi in suis libris istum Aetium ex-  
tollit, hominem dei vocat, & multis varijsque laudibus  
exornat, tamen in eo concilio eorum sententijs qui eum ab-  
dicabant, assensit, & ab eisdem Episcopus ordinatus est. Eu-  
doxius autem, Acacius, & eorum socij, decretis Nicææ Thra-  
ciæ editis, quorum supra mentionem fecimus, assensi, ecclē-  
sijs Basili & Eleusij regēdis alios delegerunt. De quibus sin-  
gillatim differere superuacaneum arbitror. Itaq; res dunta-  
xat ab Eunomio gestas explanabo. Vbi Eunomius Eleusio  
adhuc viuente, ecclesiæ Cyzicensis moderationē nactus est,  
Eudoxius, sana & syncera fide plebis perspecta, intellestoq;  
Imperatoris odio contra eos, qui dicebant vnigenitum dei  
filium conditum esse, admonuit Eunomium, vt suam occul-  
taret opinionem, eamq; minimè aperiret illis, qui causam ad  
eum accusandum sedulò aucupabātur. Nam tempus, inquit,  
oportuni nacti, prædicabimus ea, quæ nūc silentio tegimus,  
eorumque ignaros decebimus, & contradicentes aut oratione  
persuadendo, aut cogendo vi, aut supplicijs afficiendo,  
in nostram sententiam pertrahemus. Cui admonitioni morē  
gerens Eunomius, suam ex occulto promit impietatem. At  
verò qui sacris literis educati institutiq; erant, cum animad-  
uerterent latentem istorum fraudem, iniquo animo tulerunt  
illi quidem, sed tamen palam illis contradice, temeritatis po-  
tius, quam prudentiæ existimarunt. Itaque persona hæreticæ  
prauitatis induita, domum ad eos veniunt, orantque ut verè  
suam doctrinam ipsis exponere velint, & non permittant eis  
varius doctrinis huc illucq; ferri. Tum demum Eunomi-  
us fidenti animo, aperuit suam quam celauerat opinionem.

Addunt

Addunt porrò illi iniquè, imò verò impiè ab eo factum fore, si nō omnes eius moderationi commissi, veritatis fierēt participes. Iste hisce ratiōibus & aliis eiusmodi adductus, in publicis ecclesiæ conuētibus deinceps suam blasphemiam patefecit. Illi igitur studio ardēti incitati, Constantinopolim properè cōtendunt. Ac primum nomen Eunomii deferrunt apud Eudoxium. A quo reiecti, veniūt ad imperatorem, apud eum de pernicioſa Eunomii doctrina cōqueſturi: eius dicta Arii blasphemiam impietate longe ſuperare prædicant. Vnde imperator ira accensus, mādatū dat Eudoxio, ut curet Eunomium adducendū: & ſi criminis conuictus foret, Sacerdotii dignitate priuet. At cum ſēpenumero acuſatores Eudoxium ad id impellerent, ipſeque tergiuersa retur, accedunt dēnuo ad imperatorem, queruntur, clamāt nihil factum ab Eudoxio, quod erat imperatum, ſed permifsum ab eo, vt illuſtris ciuitas impiis Eunomii blasphemias exposita labefactetur. Tandem Constantius minatur ſe Eudoxium in exilium electurū, niſi accerſat ad ſe Eunomiū, & de criminibus ei intentatis cōuictū, ſupplicio coerceret. His minis perterritus Eudoxius, ſignificat per literas Eunomio, vt fugiat Cyzico, eiq; criminis dat, quod ſuā admonitioni & consilio non paruiffet. Eunomius igitur metu perculſus, ſe inde ſubduxit ille quidē, ſed hāc ignominia noctā non tacitus ferens, proditionis accusat Eudoxium, & tū ſibi tum Aetio factam ab eo iniuriā dicit. De cætero igitur conuentum ſeparatum ſibi constituit. Nam quicunq; conſcii erant eorum in doctrina conſenſionis, ab Eudoxio, vt proditionis conuicto deficiunt: ſeq; coniungunt cum Eunomio, nomēq; ab eo ſumptū ad hodiernum diem retinēt. Inde Eunomius ſectæ cuiuſdam princeps factus, Arii blasphemiam accessione quadam impietatis adauxit, Quod autem ambitioni inſeruiens, ſeparatum conuentum cōſtituit, rerum euentus loquitur. Etenim cum Aetius abdicatus, ecclēſia pelleretur, non vna cum eo abit, licet magistrum eum & hominem dei nuncupet, ſed mansit firme Eudoxio coniunctus. Vbi autem impietatis poenas luſſet, non conciliū acquieuit ſententiæ, ſed iam episcopali dignitate ſpoliatus, episcopos & presbyteros ordinauit. Atque hæc geſta ſunt Constantinopoli.